

2/20/11
10020100
38
3p. 11/1

15



南
幾
臨
一

續修甯縣志

同治六年
丁卯冬鐫

板存甯鄉
縣署內

續修甯鄉縣志序

周官小史掌邦國之志外史掌四方之志志之名由此昉後此司馬彪續漢書十志陳壽撰三國志司馬光謂李延壽南史其書可亞陳壽憾不作志耳於是作通志江文通云作史之難無過於志誠以志為史家之

甯鄉縣志

卷首

序

一體史文而志質史簡而志繁故志於史為尤難也郡縣有志初於唐李吉甫後世祖之甯鄉自漢迄唐其地分隸衡湘二郡宋置縣初志失攷明正統間邑宰劉君與鄉先正袁憲僉公復倡修之

國朝重修先於潭屬舊志述之詳矣

颺以同治癸亥承乏來茲覩山川之
形勝覘風化之醇良復與都人士臣
禮進退雍々乎多彬彬雅材颺籍隸
楚陂大湖南杜壘壤相接既習聞此
邦聲明文物公暇取志乘觀之乃知
甯邑當長沙西為衡嶽正脈峙而盤
者靈峰瀉岫之群之友也瀦而瀏者

溫泉玉潭既沃既蕩也進而求諸遺
獻則有易李袁周諸公鍾其淵五峯
南軒諸子相厥攸偉碩代生鼎々相
望下逮野處婉孌卓然以名節著
者莫不炳耀竹素懿乎鑠哉百里
之地十室之區萃媿固若是哉爰
稽舊志修自丁丑迄今垂五十年

其間學校之興科名之盛田賦戶口之增益文章詞賦之流傳以及理學名儒孝子悌弟義夫節婦愈出愈奇未免書缺有間矧自兵興以後義憤從征人以萬計或為專城之頗牧或為寄閩之范韓勛烈爛如實前茲所未有其遇難捐軀盡

忠報

國者凜々大節尤足為史冊光闡而弗彰誰之咎歟迺與邑中二三賢者謀曰邑所貴乎志者非區々詞章具文也將使後之生者識典型之存墜仕者知今昔之盛衰故敘事貴質失之濼則陋舉類必繁失之濫則焚荀揚

琦辨臯朔不根史才弗取非其人莫能任也僉曰然繇是造致仕郡守李劬青先生請以屬焉先生固以讓未及將事會大府議脩省志檄採掌故劉克庵副帥又自閩械催肫懇至亟思所以報也適粵東觀察童圭農先生奉諱旋里爰商諸君子延

主其事并請李雲舫正郎周雲先主政暨李劉周黃諸先生贊佐而分理之剗剗之資飲以衆力遂以丙寅春開局次年季冬告竣展閱繕稿見其踵事增華無邀無濫洵足信今傳後將附梓氏例得略述顛末綴言簡端竊以徵獻考文邑之盛

舉莫大乎是行將上之大府登之輶
軒以備雞次庶幾古者小史外史之
所掌歟夫郡縣之志郡縣之事也書
事以陳宰之責也颺與有榮施已
皆維

同治六年歲次疆圉單闕嘉平月
朔日

誥

授朝議大夫湖南補用知府知甯鄉縣
事加七級隨帶加二級黃城郭慶颺
玉生氏撰



序

維東南大定之年。地天交泰。嶽瀆效靈。民人安集。物類阜昌。固

運會使然。要由我

皇上宵旰憂勤。旁求宏濟。一時俊彥。殊尤忠臣義士咸挺

甯鄉縣志

卷首

序

一

然出其旋乾轉坤之力。相與清疆。圉爭氣。數翊綱常。數載而臻。

盛軌。蓋莫不炳炳麟麟。登諸史策矣。我甯邑孔道。四通。賊蹤三過。受害。雖淺。觀變。殊深。地經其事。而人心共奮。人

顯其用而地氣益興由今以
觀竹帛旂常實開曠代未
有之局面不僅關一邑之掌
故者而邑人撫時感事因
並及乎五十餘年闕畧之
事而志於是乎急焉乙丑
春秀春自粵奔父喪歸值李

幼青太守以父執耒弔盛稱
邑侯郭玉生太守廉明敏
幹令甯五載百廢具興每
念邑志欲余續修久矣余
惟世兄史職應為之春再三
謝曰憂戚之餘語無倫次終
賴公為政嗣劉克奔副帥函

屬殷拳諸同志請益力
邑侯聘繼至春猶自歎適有續
修省志之檄而邑中劉論卿周
聯珊丁麓如黃湘橋諸宿學
均肯出而肩其事因不復固
辭乃事方草創而李故矣
時周雲先比部假歸春猶

幸相助有人也伏思

國朝志凡四修前有作者師
之而已顧體例具在故者
洽而新者必更非也兩時
勢不同新者增而故者必襲
亦非爰虛已下心與同志
酌之志首天文史例也在

一邑何敢多所附會謹遵
本朝敬握人時之意可以言及
於本邑者約言而已地輿
之原委遠近親巡周覽譌者
訂之混者清之分統於都
而約綴於圖牧平曠扼險
要非懸擬也賦役條款雖繁

翰將實簡

聖朝所以寬大也願載籍而可茫
然載明賦役全書之旨而敘
次不紊又歷舉諸大臣教敎
之方則法守垂矣學校為
典禮所由昭增訂一本於
頒行又人才所自出以甯邑科

目代有傳人而近由保舉
至一二品者冠服相望即見任
之卿貳監司提鎮柱石各省
汗馬邊疆雖生存不列傳而
褒獎有明文歷敘官階而功績自
見云職官重循良留遺愛
也政蹟詳團練捕蝗育嬰

按時事也風俗不諱俚鄙
思化導也至於忠孝節烈
前志漏者補之數十年幾
於湮沒者求之近日捐軀
殉難之多雖微員末卒
亦必登之若仕宦觀其政
儒俊觀其學固弗輕紀即

仁厚者壽物論攸關亦不
濫收流寓尤珍重二百年來
克紹前修而光我邑者一
人而已方外今無其人也
藝文所以扶世翼教文賦
詩詞前志備矣後有作者
美不勝收故增者甚少著

書目錄及姓名列後春竊
以為志者志實事也如社穀
僅有其數賓興僅有其名
空言舉典亦復何益賴
賢令留心教養與邑紳籌
畫清楚有實惠以救濟生
民而鼓舞士類書其事幸

得與新建之書院試館輝
映簡端亦盛矣哉總之今日之
甯適際其盛凡培養元氣之
事在所必行使後此之載筆
雍容敷陳事實者得如今
日之躊躇滿志且更盛焉是
則春深長之思也春讀禮未

遑兢兢從事念我

朝右文之始甯邑志先各屬
成今將續修省志正當藉
纂輯以供採擇於以見偏
隅下邑沐浴於

聖德之日新者至深也春於是
役又焉敢後

同治六年丁卯孟冬月邑
人童秀春謹



甯鄉縣志

卷首

序

八

舊序

正德四年

知縣 劉 綯

天地闢古今事蹟非志莫傳而志之作其體不一有所
統大而誌法反略者有所統小而誌法加詳者如皇明
一統誌兼總乎萬國事貴得要故宜略郡邑之誌止於
一方事可散書故宜詳法宜略而不略則天下之大史
冊不勝其書法宜詳而不詳則一方之事未免挂一而
漏萬故作志非難而立法爲難立法非難而得人爲難
得其人與法斯善其志矣甯邑爲縣屬長沙郡居郡治
之西相去百里許東連熊湘之東華山西抵安化之司
徒嶺南挹天馬嵇嶺之勝北據橫龍青華之雄東南則
湘鄉湘潭地與之參東北則善化湘陰江爲之界其縣

甯鄉縣志

卷首

舊序

一

治廣二百有五里袤視廣四之一方七倍於袤其縣屬
爲坊二爲鄉五都隸鄉十有七其山水則逶迤包絡風
氣凝聚人才物產之盛無代無之實湖南之名邑也其
道途則四通八達官貴使人來往絡繹歲無虛日實南
北衝要之區也宏治乙丑冬予拜命來宰是邑視篆之
暇取舊志閱之聞多紛舛闕略山川如玉几靈峯化龍
溪人物如前進士羅仲孺蔣彥明輩縣治之制如惠民
藥局演武場桑棗園學校之制如頽池射圃悉皆闕載
大者如胡五峯反謂其師事南軒小者如玉潭乃謂其
元宗幸蜀墜鐙得名之類亦頗謬妄至若國朝登進士
第者始於今憲僉袁君大倫旌表孝子若今致仕同知

劉君本正雖事在舊志後脫不續書將何以爲表彰人物作興士類激厲風化之地哉亟欲采輯編正之而久難其人正德三年五月予應朝還適憲僉公丁內艱家居予稔聞公操存不苟材識通敏敷歷中外三十年餘而聞見博洽且生長茲土凡先民嘉言善行人物之名勝皆親得傳聞目覩者也乃禮聘以其事託之公辭至再而予之請益力乃允遂取舊誌重加編摩博參羣書蒐及先哲行狀墓誌與夫士庶家所藏譜牒圖契會眾說據遺事繁者芟之簡者益之遺漏者採錄而補續之訛舛者考據而釐正之其所紀雖仍故迹而分類著條則斷自己意且皆有綱有目有經與緯鉅細畢備纖悉

甯鄉縣志

卷首

舊序

二

無遺所謂法宜詳而因致其詳深得志家之體者矣凡爲目二十有六總爲八卷公於各目又自爲引道其所以當誌之意閱八月而書成予取而讀之環百里之內上下數千年間若沿革若疆域若風俗若山川物產若戶口貢賦若人才宦迹之類不必出戶庭稽史籍一展卷而可悉然則昔爲闕典今爲全書尙何文獻不足之歎耶抑是書之成豈直快士大夫一時之覽而已將使後之人生於斯長於斯游宦於斯得而觀之凡其所以修己治人居官善俗一惟前聞人若張魏公之事業若五峯南軒之道學若易禮部劉學士之文章詞翰皆得以景仰而師範之行見禮讓之俗循良之政道學之傳